

四庫全書

集部

欽定四庫全書

御製詩三集卷八

古今體一百八首

庚辰八

熱河啟蹕韋木蘭作

慶典今年舉帝京
秋蒐因致緩登程
祇教仙苑一朝駐
消得清詩廿首成
新附羣蕃道旁送
遠來諸部馬前迎
可知遊豫無非事
侯度懷柔永廕情

村行三首

迤北天寒惟一收一收豐亦擬三秋村民棄暇翻犂地
播穀憐他隔歲謀

崖角山巔無隙地刀耕火種有餘思村童也解迎清蹕
恰似蓬頭王霸兒

一川流水百盤澗碎石堆筐架野橋撇捩何妨策馬渡
秋晴正值漲痕消

波羅河屯行宮即事

雲裏遙看筆架峯到來行館憩從容鵲師狗監先來候

甫草山猶隔幾重

一株松樹滿庭陰可識離宮歲月深攬鏡霜華略增昔
於中不改繼繩心

秋宇剛欣霽色霽西山蒼蔚復淒淒宣傳文帳尋高阜
今夜恐防雨漲溪

夜雨

半夜星羅宇四更山吐雲隔窓霏勢擬歌枕颯聲聞農
務既云畢閒情且自欣明當詠烝涉亦欲習勞勤

聞雁

不寐夜如何秋鴻送響多
昨驚霜乍落今聽雨中過
沙漠夏棲止瀟湘冬寢訛
順時奚揀擇踴事有吟哦

雨中塞上行

夜雨連晨勢未已行旌先發難中止
文侯罷獵必親往我亦何妨一仿此
白榆綠柳時逢迎快哉雨中塞上行
杜老前後則何有周王左右堪同磨
製衣策馬跋泥淖誰言秋雨弗濕帽

國語有秋雨不濕帽之語謂秋雨不能久也

行宮駐蹕豈

不佳習勞先去聲衆從吾好鑾儀衛率校尉隨輿逸坐

那肯為內扎薩及外厄魯橐韃扈從瞻威儀鬯姿林態
渾難狀配藜旁魄復滌盪萬馬奔騰如萬舟雪浪銀山
陵滌沆北人使馬南人船一合相真成大觀山村老農
豈底笑明春種早不待言

濟爾哈朗圖行宮疊去歲韻

幾架巖齋也號宮山姿入望四鄰通恰欣秋令來棲宿
况復西陲罷戰攻白石磷磷溪漲雨翠峯濯濯樹搖風

分明去歲初經地此日襟懷了不同

已安容膝底須多茅土階茨較太過山是真圖非筆染
戶無長物有書羅愛觀颯景開虛牖不盡崇情寄迴阿
秋雨既優晴實好豐隆傷晚擘雲窩

夕

雲歸高岫塞天明徙倚山寒向晚清那似去年臨此地
驛章旁午策軍情

復雨

山雲散復聚塞雨密還疎度嶺幻明暗隨風作疾徐不妨徑策騎也覺塵漸車關內正滋麥欣生跋涉餘

晴

塞山捲下西北風怒號萬竅真是雄煙銷雲散無留蹤
朗朗秋日懸高空今朝晴定真堪喜明日大彌方伊始
吉行五十里而遙後行輜重應至矣抱被入直庶免嗟
試問誰匪懷居士

九月朔日作

秋季惟朔旦塞園第一場千山歛雲氣萬樹絢晴光迴

嶽鴻絢合深溪魚貫長咸賓速回部

入覲之都爾伯特親王榮凌烏巴什

等向曾預觀塞園其回部酋長霍集斯伯克霍什克伯克等以賜爵留居京邸並屬索韃從獵則自今歲始云

執役有名王

舊扎薩克王公台吉等率所部蒙古隨園執役歲以為常

柔遠繩

先切詰戎寓意良寧當懈幾務獵罷閱封章

過卜克達坂疊舊歲韻

去年出哨過今歲進園尋果協貞符吉

舊歲九月初過此有貞符如卜

克額即通佳音之句廻鑒未踰月捷報果至

早傳逆賊擒敢誇無事日益勵

有孚心翠柏丹楓處遙聞呦鹿音

行園二首

天府神臯百獸牲細莎灌木靜無塵最欣悉率升大臯
底藉要遮事斥閭割截炙鮮猶古俗炊金饌玉直癡人
舊藩新部衆同樂獨者惟斯淖翰頻

千二百人各職司率先扎薩恐淹期

衆扎薩克每日於五更時領衆前往

撒圍圍將合即親至獵場率先馳射以均勞逸不令踰時久待

尊為元后親為父威實

何須恩實宜峻坂有時亦馳下神鎗無故不空施從來

柔遠茲常塵武定遐懷益慎茲

塞山雪景

夜帳縱聞雨點飄朝來玉色染崇椒
凹稜旋旋因風積陽巘微微見曉消

未凍煙蕪鹿正肥平岡磬控馬如飛
何須濶論山陰棹九月木蘭雪打圍

細莎嫩蘚全藏色翠柏丹楓未改形
一谷溫暾迎曉日不妨按轡為延停

松林獲鹿美於羊帶濕松枝燃亦香僧舍茶煙故清絕
朝家古俗那宜忘

玉屑銀沙萬嶂鋪尋蹤還擬捉於菟毳衣箇箇誇披得
誰識詩人鄭鷓鴣

千峯隱現曉煙濃活畫宜人面面逢實景真情欣始遇
祇疑摩詰出形容

重陽日侍

皇太后饕

今朝乃重九佳節不宜孤月日均陽數川原逼上都登
高隨處可獻

壽與山俱紫塞如丹禁千秋奉

懿娛

蒙古王公等進宴即席得句

木蘭歲歲秋圍舉東道名藩許獻芹

舊例木蘭行圍扎薩克盟長等進公

宴家宴凡數次朕命合數宴為一所貢之馬駝牛羊幕
並却不納既以聯中外一家之情兼寓體恤之意云

設崇岡菊節度

是日重九

席聯新部雁行分

隨圍之都爾伯特親王策凌烏

巴什等回部郡王霍集斯
伯克等並命預宴列坐

湯羊美勝八珍膳詐馬催來

千錦羣諸伎畢陳行賞罷一家和樂萬方間

塞宴四事

詐馬

詐馬為蒙古舊俗今漢語俗所謂跑等者也然元人所云詐馬實咱馬之誤蒙古語謂掌食之人為咱馬蓋呈馬戲之後則治筵以賜食耳所云只孫乃馬之毛色即今蒙古語所謂積蘇者是亦屬魚

魯茲扎薩克於進宴時擇名馬數百列二十里外
結束髮尾去羈韉馳用幼童皆取其輕捷致遠以
鎗聲為節遞施傳響則衆騎齊騁馬馳山谷騰躍
爭先不踰晷刻而達掄其先至者三十六騎優賚
有差所以柔遠人講武事也

名王詐馬存遺風獻筵備陳表敬恭廿里以外列駿驄
置郵傳命聽發蹤宣教施銃星火紅連聲遞令頃刻通
砰磕萬雷忽落空翩若驚鴻逸若龍雲屯颼歛倒呂洪

旁唐閃霍復春容振林駭谷躡阜窺平沙草軟淨塙逢
駃騠束尾綰其髮輕方致速騎以童捷足獨出傑且雄
選三十六惟良駭按第行賞務從豐只孫古俗想像中
和樂還因寓詰戎

什榜

什榜蒙古樂名用以侑食今俗所謂十番或因此
楊萬里詩有全番長笛橫腰鼓一曲春風出塞聲
之句蓋樂曲名番本塞外語而傳謠耳其器則笳

管箏琶絃阮火不思之類將進酒輒於筵前鞠脛
奏之鼓喉而歌蘇羅赴節有太古之遺音焉

平原擇向圓幕張酪酥乳酒湘黃羊名王捧觴起上壽
較漢公卿禮數詳渾撥四火不思曲長朔管如鞭吹鳴
羽發徵氣內運叩角動商響外披初奏君馬黃大海之
水不可量曲首繼作善哉行無貳無虞式穀友朋誰云
朔漠無古樂絕勝鄭衛為新聲我惟中外一家用醉上
下情亦不侈談有虞氏四裔之樂舞於庭

相撲

相撲之戲蒙古所最重筵宴時必陳之國朝亦以是練習健士謂之布庫蒙古語謂之布克脫帽短襟兩兩相角以搏踣仆地決勝負勝者勞以卮酒卮魯特則袒裼而撲雖蹶不釋必控首屈肩至地乃為勝彼嘉其壯賜之羊臠則拱臂探掬顧盼吐吞聲若飲歡其舊俗如此因以示惠云

健兒揎袖短後衣席前相撲呈雄嬉捍拖拗拉矜矜棋

踉蹌踉蹌且蹙乘間伺怠出以奇恧然躡蹶力不支
勝者賜酒蹠飲之別有厄魯均新附其撲法乃異舊部
露身赤脚惟著袴撇蹠蹠空拳赴失計忽仆伏地據
騰跳翻作康王跨兩肩著地頭倒豎方得謂之決勝負
勝者揚揚意實歡負者反求微醜顏宣傳典屬呼來前
上方肥羊出厨盤長截碩臠如舉山七箸不設俾恣餐
誰識不足君所言快哉大嚼真壯觀豈對屠門空望懸
跪振雙臂攫且搏右哆左喻直下咽倏似長鯨吸百川

意氣自若殊昂軒均令染指果腹便小哉食肥張齊賢
是蓋衛拉舊俗傳示恩獎勇一試旃食罷命前面詢焉
弗茲食者閱十年據云準噶爾自喇嘛達爾扎構釁以來日就凋敝不得如此飽啖者十年
笑茲

教駢

教駢攻駒周禮雖載然後世僅知攻駒而不能教
駢蒙古則熟習其灋謂之騎額爾敏達驛馬三歲
以上曰達驛額爾敏則未施鞍勒者也每歲扎薩

克於所部驅生馬多羣至宴所散逸原野諸王公
子弟雄傑者執長竿馳繫之加以羈鞬始則怒騁
駢趯或狶突人立嘶齧雷殷馭者騰趨而上控制
自如須臾調良率得名馬

二歲為駒不勝鞍三歲為駝始堪教夏官廋人早失傳
未若朔漠存古調扎薩獻宴必備觀分羣別色陳平原
擅廬賜食較撲罷按轡一覽同名藩名藩子弟皆吉服
上馬執竿好結束

馭生馬者必馳騁逐之禡衣綰帶持
尋丈竿繫革絙其上以為控繫俗名

套馬竿

歐來萬錦歟披前光
米陸離紛奪目薄言駟者有
驕皇驛駟駟駟駟駟黃紮之維之取傑驚綫絆未及先
跳梁齧草飲水本天性轆轤乍拘自覺病驚軼狂擲詎
能無處之以暇堪力勝牽來蹠蹠人爭騎驀跨那待羈
馮施擢足軒立忽落地翻身騰鷗捷於飛盡態極變不
可狀驛突雄驅若翻浪毛龍逸虎旋就馴人有餘閒據
馬上馳驟寧供耳目娛駉駉駉耳中掄諸憑閱考收悟
至理不教而成事所無

雪獵十韻

九月十七日

塞雲低靉靆朔雪灑霏霏萬嶂增嚴氣千林纈素輝月
同光不濕風似定還飛壓帽輕於絮堆衣幻作璣璫王
羣虓蹕漢嶺早張圍誰肯氊裘著都欣玉策揮襯蹄致
馬疾刷羽益雕威搜穴虎呈迹炙鮮鹿薦肥彌漫迷澗
戶飄瞥嫗林扉乞相寒江上一蓑披得歸

晚晴

晚晴明積素巖景益堪奇鏤玉為屏際歛雲歸岫時入

圖浮霽色敲句引清思今夕蝦蟆冷東山故上遲

青羊

青羊善緣壁四蹄利如鐶躑躅巔峴間虎狼不能躡一
朝失所據生捕被虞獵神恣豈跳踉喙息惟伏帖何必
貪肥腴爰命育蹇恭誰辨梓樹化謾擬成都接隨園霍
集斯驚觀笑蹇頰

火雞

火雞特異雉足觀不足食修尾拖紳白通身染黛黑昂

藏亦頭角璘璘亦羽翼於野味三嗅言家乏五德吐火
幻詎真破敵術非直無須羅網施已見雌雄得宣付上
林官飼養俾孳息

哈薩克使至俾觀圍

阿布賚汗

哈薩克汗名

候起居蘇爾

平聲

統

阿布賚姓其名都勒特赫勒蘇爾統

蓋其貴族之稱如蒙古之台吉云

至謁鑾輿魚程而進堪嘉彼

前間阿布賚遣

使人覲念其道遠思不能急馳傳諭緩程而行於十月初旬至熱河而蘇爾統以九月初三自烏里雅蘇臺起程月之十八已抵波羅河屯據云途中驛駟餽糧並荷天朝優恤不知跋涉之勞急欲瞻覲天顏以申誠悃

厚惠以加寧靳予北界控弦重習獵漢家連網笑周法

圍期二日應教展

廿一日駐蹕海喇蘇臺止餘一圍因哈薩克使至特命展加二日俾得扈

從預觀

射得肥麇便賜諸

至張三營行宮賜宴諸蒙古疊丁丑舊作韻

示遠圍期兩日加罷圍依舊見黃華曦迎暖谷人披襖

雪點堯峯樹戴花自為驅馳聊布惠可知中外總為家

洛那有宴仍教預

丁丑此宴哈薩克陪臣亦適預

嘉彼鱗流仰集遐

木蘭迴蹕至避暑山莊作

鹿期促駕駐兩日塞上行圍倏又迴美土如斯可漫去

遠人爾許况攜來

時回部郡王霍集斯伯克等自京隨駕都爾伯特親王策凌烏巴什等以

入覲扈從秋蒐而哈薩克陪臣都勒特赫勒等亦赴木蘭朝謁既命觀圍並攜至山莊錫宴

從容宴

樂應教預假藉清涼得久陪繩

武惠遐綿奕葉山莊嘉兆自

天開

寫心精舍

每到瞻

神御因教憩寫心卅年忽成古

一念注於今敢不益黽勉
安能忘敬欽怡情曰山水末
矣詎知音

嘉樹軒

就樹開軒蔭綠雲

堯年寶露葉間紛設方武子甘棠賦我亦寧忘封殖勤

立冬

九月
晦日

平在元冥令來遊龍朔垠節因行慶駐志詎暢觀勤京

國風占候

每當節候太史例占風

塞天霽歛雲小陽春律暖

是日暖

亦為從人欣

永恬居疊舊作韻

一谷溫暾日坐來滿屋簷餞秋冬景破半百鬢星添松

翠雪輕壓楓紅霜飽霑卷阿真愜意魚海洗兵恬

舊作有佇

待俘渠獻于戈戢永恬之句

再題素尚齋

礪道津橋試重尋巖扉耐可愜予心虛庭煙月誰同調

上塞冰霜我素襟
四壁詩題自今昔
一窓冬日是光陰
迤西更闢新齋在
不厭山深轉就深

初得齋

入山不見墅到墅忽臨山
依古松為幄疊蒼石作闌
既深斯悅性惟靜可怡
願阿那丹臺表容成想像間

夕佳樓得句

尋深有渴懷步履不知遠
峭寒薄邃谷曦光蔽崇巘
忽造初得齋橫樓接廊轉
齋高樓更高一窓冬日滿
夕佳

金史四庫全書
卷八
昨命名萬態呈組纂言情陶莫過體物杜猶善而我別
有會含毫忻嫩暖

題張宗蒼畫

山莊驀見宗蒼畫向未題詩輒補題曲折雲林皆可入
高低礪道訝纔躋誰分幻境將真境道是全提早半提
昔失當前今鄭重義辭聊擬玩先迷

千尺雪

鹿期催向去雪色待今來即看清如爾寧當虛擲哉帶

林寒皎皎落礧素皚皚却是輸真者蘭中早漉杯

木蘭中遇

雪已收水
烹茶故云

臨芳墅

義取對時將育物候過葉綠與花紅分明

羲畫標微旨一氣貞元無始終

澄觀齋

觀乃人之能澄亦境之所能所兩相忘澄觀實緒語其
忘如未臻佳境允宜處譬彼莊嶽間不期齊變楚

菊

菊節過將彌月菊花開尚數叢
漠水塞山自爾丹楓翠
柏原同知己霜清日嫩笑他柳
綠桃紅漫擬陶家三徑
戒酒却緬高風

射

射是朝家夙所長承平遊豫那
宜忘攜來新附控弦部
駐此

當年避暑莊親御矢弧聊示度
數頒幣帛用旌良樹侯

疊中休稱頌

是日發矢二十七中十之九破的者六及易小鵲復連中舊部新蕃暨哈薩克陪臣

侍觀者無不喜躍稱異 敬仰

前猷敢不獲

含粹齋

四德乾元亨利貞大哉一氣與流行小春即景聊觀象
純粹於焉見性情

宿雲簷

山房倚翠巖簷虛雲母寄氣霽景澄候豐隆早收技偶

來坐清晝聊結氤氲意如將霏六花謝賦還能試

暖

今年秋候長入冬氣尚暖朱鳥升東林騰暉巖谷滿羣

稱及嚴寒

今年圍期較遲俟裝時皆以歸程正屆冬寒而邇日序尚暄和與往歲迴蹕山莊時無異

忘之以轉眼堪因恚人情忖度寧待遠

題金廷標醉菊圖

菊節忽已過傳來醉菊圖重儻緣素景別契是神樞挺

埴商顏數

圖中四
醉老

淋漓彭澤模科頭倚客背箕踞厭僧

跌餅罄憑而寐花香嗅以飲看山半醺者應慙
去聲獨醒夫

水月精舍

冬月颯可憐塞水寒未凍巖齋一再登俯暢誠堪弄心
掬不以手鏡光翻在棟冰魚潛罷躍谷鳥吟猶哢聖教
標清華因之緬鸞鳳

再題綠雲樓

初來綠樹蔚層甍為愛新樓輒命名一月往還看突兀

怡隨天末與同征

春好軒

清暇偶憩文軒標題兩字堪論依然甌香硯淨而無花

馥鳥喧落葉亂填書帙鳴鹿已懶草原

鹿過時則不鳴

莫謂芳

菲節遠貞下行將起元

弦月

弦月上嚴節冰天見塞山隔林猜窄濶輾漢疊團彎寒
迫煙嵐峭光含網水潺湲觀綠底事尋鹿入宵還

題張師夔樹石

古樹稜稜詭石遶芳華想像閱韶年玉蓂

畫中題句遶武字玉蓂

櫟里

即師夔號

今何在寫照依然識兩仙

戲題創得齋

創得景得創頻來輒有詩民焉寄淳樸吾尚愛新奇風
嶺松落子霜坳鹿引兒自然塵俗遠心與許巢期

枕碧樓三首

初得齋旁樓兩間虛窓納勝枕屏顏山容蒼矣意聊寄

彈指明秋挹翠鬟

種松待老意嫌遲就樹齋成嘉蔭披欲速縱平鄒嶧論
靜觀雅契太原詩

谷口延緣不見樓到來俯視白雲頭
屢窓嫩日宜清坐
樹樹山山總在眸

寧靜齋

閒庭樹葉落歸根一幃明窓日晏溫
即景不須翻蜀志
武侯兩字箇中存

鶴鹿

鶴鹿雖異類胥足助山景鶴則賦之糧惟取聲露警鹿
每挾矢尋岑野寧容騁材與不材間漆園語堪省

晝畫窓

近嶺遥峯面面呈
崕岈瀟落最多情
今朝所會又殊特

直展寒林閱李成

石渠寶笈有
李成寒林圖

登四面雲山亭子

中峯迴出羣一笠與平分
四面雲山態八音
天籟聞山

齋俯荆得

荆得齋在深山邃谷隱不見惟此亭標最高峯俯視如在咫尺

大塊有真文

亦欲無言去其如何慙勤

創得齋得句

溪山深處愜幽探
礪道頻驅小步驂
人面峯開墅忽到
樹頭樓出景全含
掀籠放去沖霄鶴
捲幔招來落嶂嵐
五度經臨詩六首
笑看荆得作陳談

再題枕碧樓

山樓雖小有迎逢
拾級居然枕萬峯
遮莫霜林紅染遍

蔚窓松色尚重重

題玉琴軒

細泉階下注冰渠
今日絲桐訝澀踈
漫道寂寥艱著句
小春景槩故逢初

曉

鳥鳴當天雞山含曙色曉
嵐涼雖淦淦空宇猶浩浩
子輿稱旦氣調御乃成道
於焉悟軌塗契會殊不少

對瀑六韻

飛瀑我常對所欣對以冬挂來冰筋簇流處氣機濃從
識根源遠不遷節令逢微聞聲颯省略戢勢洊淙落礪
鹿猜飲入池魚罷喁洗頭宜玉女應律逮黃鐘

瑩心堂

平湖候冷碧波凝颯灑冬堂又絕勝自是瑩心多好會
那更平聲真對玉壺冰

永恬居

冬山淡如睡巖居益致靜所耽在泉石寧辭跋寒冷野

橋度數曲似入神明境林扉詎藉故仙界奚煩請翻嫌
紫翠艷都覺色空屏歸藏有餘蘊樞紐於焉省觸緣慙
性靈不期坐已永

戲題招涼榭

突兀千林山寂寥坐來謾聽落崖飈偶然題句還呵凍
榭號招涼懶更招

靜好堂

趁暖褰帷萬象低霽煙歛盡朗撐犁

蒙古語謂天為騰
額哩漢書訛為撐

犁然音韻頗近
宜於塞外用之
底須在御誇琴瑟自覺當前契筦倪

居高

山樓枕碧嶺小坐念居高望治心徒棘勤民日久蒿言
多後從面疵或索吹毛即景懷慙惡休云此避囂

入深

谷抱山還疊行行漸入深居然叅理窟颯爾對寒林雲
裏辨峯影冰間澀瀑音迫霄精舍構涯渙許誰尋

即事

冬山觸處耐吟凭呵凍摘詞興偶乘日落遙峯一片靄
泉流古磴幾條冰披寒檐枳紛還鳥綴景招提不著僧
尋鹿入宵歸趁月銷人何事更張燈

萬樹園賜宴即席得句

小陽春旭暖溫暾今日筵開萬樹園屈膝捧觴逮鹽澤
纏頭式禮廁花門

回部郡王霍集斯伯克等
及哈薩克陪臣咸預宴

敢云一已

承

先烈或可千秋示後昆坐有錄錫如舊僕偏稱兩度沐

深恩

策凌烏巴什等以甲戌夏入覲曾宴
賚於此今入舊扎薩克之列賜坐

萬樹園觀燈火

巖風傍晚淨魚鱗東望錡峯挂壁輪塞即京華林即上
燈原嘉夜月原春千枝蠟鳳燃銀樹百道星虹落玉津
義寓光明輝習爽寧云誇示遠徠人

熱河啟蹕駐喀喇河屯行宮作

習武柔遊歲事并

安輿虔奉返神京兩彌月已屆嚴節三十里而遙吉行

喀喇河屯去熱河三十餘里

別館卷阿依舊好寒林平遠入冬清流

漸却慮拏舟冷興寄灤陽與目成

是日未渡河至灤陽別墅故云

入古北口

秋仲經過冬孟還流陰瞥眼往來間敷恩示度無非事
暮詠朝披亦未閒向暖鸞鈴入閭左就荒雉堞鎖孱顏
千村納稼饒衣褐幸慰吾民卒歲艱

冬日御園即事

塞外初冬暖異常歸來帶得十分涼

啟蹕時咸云將及嚴寒而今年塞外

殊覺暄暖迴蹕至都翼日乃判風人情定論曾誰是園
作冷衆更謂帶來之寒故戲及之
景小春耐可償窓日嫩思賒日馭池冰薄懶試冰床庭
葩砌草都逾節洋菊還留別樣芳

冬日北遠山村

歷觀塞外與關中納稼如茨總報豐今日山村喜方信
常言私後合先公

題湛虛書屋

桑苧村中茅草屋間來就讀亦觀耕半窓受日虛而朗

一水護門湛且清
范綏倪迂法如是
王丞杜老句多情
圃場穫罷心方慰
又對同雲望六霽

文徵明萬壑松濤即用其韻

飛泉直落白雲深
松下班荆籟謾林
細推枕流將漱石
古人端復有知音

駐扎葉爾奇木大臣呈覽所鑄乾隆通寶至因用
排次回部錢文詩韻紀事

昨歲元戎奏定功
早籌鼓鑄市廛通
即看大冶範鎔就

仍屬司農職掌同

將軍兆惠歸為戶部尚書

寶是乾隆來自外泉殊

景德去由中

排次回部古錢時有開元景德諸錢彼用時未能臣服其地自屬中國攜往者

權子母底其貢載戢干戈省厥躬

題集鳳軒

養

志冬常駐園問

安暇此題軒豈必雝喈真集所喜萋葦猶存掄材羣引

廣厦較射兼御西門

問安日視事此軒於大西門較射尤便

寶額永輝

聖日含飴敢忘

深恩

皆春閣

小閣構山村皆春義可論一編讀周易四德首乾元寧
謂花無謝應知道有根熙熙雖未逮景仰志猶存

題涉趣樓

偶額書樓曰涉趣山容水態滿名園淵明語祇能從半

志在重華闢四門

澹間室

帶林趣以間鏡水志愈澹澹間二而一吾猶致精勘周公訓其無於間惟可暫武侯訓其明於澹斯不厭題室擬銘盤造詣聊因驗

文徵明雪景

見覲應知消未得吹風却訝積猶高漫言幻景饒真賞對幻思真望每勞

花寒早梅恰與盆中晚菊並榮漫與寫生兼題以

句

早梅晚菊彙芳聯貞曜高風契自然栗里孤山縮大地
淵明和靖友忘年盆中對立格堪敵燈下相窺影互憐
生面別開緣古調寧同花鳥詠黃筌

冬至齋居即事

一二日萬幾此心寧敢放致齋斯益敬勅命協弛張靖
遠已戢戈耕牧徐籌量九州率逢年

天恩實浩蕩叶高寶則被潦拯恤勤輔相教養匪二事
養要信非誑於養尚補苴言教乃鄰妄何時此生民胥
躋三代上

題趙昌茶梅百雀圖

花鳥曾傳廣漢昌如聞鳥語玩花芳宣和當日評高格
可讓馬蹄歸去香

詣齋宮作

宮中齋兩日

壇側宿前期安靜微陽養祇虔一念知惟應厯民瘼卽
以迓

天禧依舊明窓影年光有所思

冬至

南郊述事

惟

乾資始運無窮來復灰飛緹室筭應節迎陽修

大祀升香晉璧凜微躬紀年廿五欽

天數省歲雨暘協穡功幸與吾民同沐

澤越因沐

澤惕淵衷

壽五弟和親王五十壽辰

星臺太史報書雲邸第佳辰瑞靄氛體似吹葭氣方熾
箕同刺繡線添紋年齊遽使對尼父詩例髯仙壽邛君
挾藻謾稱鵲鵲頌惟懷敬業昔同羣

微雪

臘月十六日

微雪纔逾寸冬來望久翹松簷剛冒齒梅塢未封腰雖

兆三白瑞慙稱六幕調回中偏報喜

新柱海明奏至葉爾奇木哈什哈爾

並於十一月初得雪尺餘新闢耕屯足占豐兆

惜近慰於遥

復雪

臘月廿日

同雲過午落瓊花歷夕侵宵勢更加澤繼三朝敷渥足

春先十日兆和嘉

是月廿九日立春

裝梅宮植舒梅萼利麥盆

籤潤麥芽啟瑞啓祥真大吉慰餘益慎敢矜誇

雪中西苑即景

徹夜繽紛曉勢并問

安迴與步瑤京低飄曲岸時疎密細糝長空鎮繆縈
樹寒藏棲鳥語挂崖凍隱落泉聲冰蹊試屨堪遲意即
景無端拙速成

顧昉雪景

迴失青峯平凍灘飛泉猶落白雲端展看却怯嚴風撲
危坐伊人果耐寒

辛巳春帖子

吉語斐屏勝仙芬噴盎梅


慈寧開七袞壽域是春臺

青帝方騰駕蒼靈已奉塗西瀛將北竈王會普歸圖

已與已年傳首祚不須午夜盼佳音亟籌耕牧闌休養
萬里遙添保赤心

除夕

餞臘幾聲漏迎年百事祥疆遙定默克歲果叶金穰可
關全編殿將逾廿首強貞觀祇三什咀嚼味偏長



御製詩三集卷八

欽定四庫全書

集部

御製詩三集卷九

十九

詳校官侍郎

臣謝墉

助教

臣常循覆勘

總校官原任中允

臣王燕緒

校對官中書

臣張曾效

謄錄監生

臣龍翔

欽定四庫全書

御製詩三集卷九

古今體七十四首

辛巳一

辛巳元旦

春祺一氣遍裨瀛
喜值重光萬物亨
回部分班謹依朔
大宛恰至許朝正

萱闈七袞敷天慶
榮榜三場特地行
耆定寧當生滿志
久要遑敢惜勞精

元旦試筆

元正辛日叶辛年萬象維新嘉祉綿茲政久思逾久敬

任官難識所難賢敢稱合璧聯珠慶虞啓遊麟儀鳳駢

欽天監以元日午時有日月合璧五星聯珠吉占奏請
宣付史館朕惟崇尚實政以為方今武定功成人民樂
業時雪兆豐斯皆可徵上瑞若象緯襍祥素非所習有
無本不足較且恐啓地方大吏侈陳符應之漸因降旨
却之至云今歲適當 慈寧七旬大慶可 曰卜
祝萬億延釐則惟默識而敬感 天貺耳

慈釐則深幸

崇禧默叩致心虔

綵屏仙木瑞扶檐喜兆民同兆歲添鄒衍風吹入春淵
趙衰日改退冬嚴泰階氣應蒼龍律漢史雲呈白鶴占
人事

天時覃已盛德言虔輦勵居謙

新正瀛臺即景

鳳閣咨安

謁祿躬西華路便趨臺通落成錫宴衣冠侶待備閒遨
松竹叢樓現祇疑瀛海表人行都在玉花中

是日微雪陽和

即漸舒條鬯春祉還思與物同

寶月樓題句

東北風吹律應條密雲微雪灑崇朝冰床碾玉雙輪朗
月閣梯霞百級超勝啓瑤筐逮人日燈懸松棟迓元宵
御園煙火常年例分付高樓自慶宵

紫光閣寫功臣像及諸戰圖畢集譙落成爰賦六

韻仍疊四章

有序

勲標偃伯煙銷濛汜之氛蹟炳圖形雲擁趙陂之

勝時則掄偉績而系貫先教褒鄂傳神逮一善亦
臚名乃屬鄒枚紀實匪詡天經地緯恰符五數之
重真逾漢史唐書能覩百賢之萃且聚米狀山川
阨塞辟間八陣常存而列星占旌纛飛揚磧裏參
旂盡掃試按昇平王會詎惟萬里而遙為思宵旰
軍書何幸五年式集昨者歸而飲至行觴越上已
良辰茲馬落以慶成展席繼先庚嘉宴凡在股肱
心膂藉國家翊運多才應知竹帛旂常承

天

祖垂庥永靖維億載綏遐有象已被丹青予一人持滿

彌殷長鎬金石

閣就勝朝址

見日下舊聞

圖標昭代勲格慚虞帝羽數過漢

時雲

閣中圖功臣像勲績顯著者五十人朕親製題贊餘命儒臣擬為者又五十人視雲臺二十八將不

啻倍蓰

大造無私佑諸臣實盡勤五年勞突將此日幸休軍有

覺上林表斯干液水瀆落成緣戢武錫宴重

去聲

摘文

建置惟旌績運籌匪調勲永期紀勞勩寧為去聲賞煙雲

保大

天垂貺開遐予敢勤帑原出內庫督未命將軍掄武駐

冬日

每科武殿試例於閣下校閱騎射及諸技勇

慶成臨沼瀆詰戎求

世德

寶訓揭鴻文

恭讀

太宗

聖祖

世宗實錄

閣中以昭

彞訓

伊犁征不戰五月已成勲將謂業安石誰知事幻雲驅

馳常塵遠擘畫不辭勤最恨庫車轍深虞黑水軍

事均見歷

年詩
轉旋叨

吳緯仍執竟淮漬始末親籌筆其觀勒壁文

經畫西師前後所製

詩文於成功端委運籌次第綜彙刻石壁間示誌實也

衛拉勞

前烈

厄魯特舊謂之四衛拉特

重華與

放勳敢云成不日惟凜望

如雲載先

去聲

傳柑宴允嘉荷戟勤歸春舞千旅洗雨伏

波軍風嫩中和樂冰酥太液漬賡歌鴛鴦侶可以共論

文

紫光閣落成錫宴即席得句

落成勲閣液池濱廣宴都陪宣力人

宴間以功臣圖畫為次其西陞建績

者並令預坐

幸際時休頌照燭宜聯句亦引垂紳嬉文恬武

由來戒保泰持盈一再申旭日春雲欣協象

是日曉陰微雪宴時

畧晴既而復陰

祥花滋麥冀霑頻

紫光閣落成錫宴聯句

有序

雲連高閣凌煙采壯三霄景麗仙瀛環海波澄萬
里旣戢戈而橐矢有僕同徵如松茂以竹苞斯干
式詠英姿颯爽共看畫就麒麟瑞色繽紛正喜晴
餘鳩鵲時則歲功肇慶金穰初啓重光春序開韶
木德全符已盛蓂舒二葉移例宴於乾清茵集千
花繼凱筵於豐澤檻外輕陰微護凝瓊島以氤氲
檐間暖旭旋呈繞金黿而蜿蜒壁縑按地覽新繪

之分圖庶石編年撫舊題之遍勒廣殿九歌時叙
績紀武成明廷一德咸賡盛聯文會開疆鑿空底
誇漢將無雙佐策蒞殿應位鄴侯第一風雲翊運
昇平快覲百賢蕭露申情喜起遠隆千載北漠衣
冠並集適屆朝正西濛裘帕紛來真稱受吏酬庸
展席都陪英衛勲臣給札分曹并列馬枚詞客聯
鼎恰掄廿四依花信之番番揚風豈讓三千抽藻
思之乙乙奉琛獻賁羣欽典屬威儀合璧聯珠詎

訓靈臺占候持盈保泰予一人虔奉

鴻庥抒翰擣華爾諸臣謨鋪景鑠

御製例舉雲臺繪紫光忠勤集事表臣良落成開宴迓新

祉

列坐酬庸逮遠疆舊臘田家登上瑞元辰太史奏

奇祥羣依

黼座瞻

堯舜

臣傳

仰識

神功邁漢唐每奉

廟謨欽蕩蕩近承

天語聽琅琅追隨劍履慙調燮

臣來保

領袖衣冠忝贊襄

詎以遭逢矜早達所欣運會協時康

三朝全盛咸親覲

臣史貽直

奕世

殊恩尚未償乘郵昔曾遯

帝鑒備藩今復叩

仙閣朝正快覩車書集

臣成衮札布

御製

系黃長留姓氏香獻歲迎禧纔翼日稱觴納慶答初

陽休嘉碑隱聆韶樂

晏衍聯翩耀彩袞山際

宸歡昭豫順五年

聖算荷精詳終資虎旅能騰躍

臣兆惠

猶記狐羣妄跳踉

為效三驅擒狡兔敢言一矢支天狼乾坤廣大超

前牒

臣富德

日月光華紀太常肺腑蒙

恩深雨露股肱宣力厲風霜遠人向化環干羽

臣色布騰巴爾

珠爾壯士還家脫衲襠舊隸職方皆屬國新徠疏勒

是名王翬飛秩秩尊

三殿

臣扎拉
豐阿

御製 虢闕桓桓表四廂衛霍較功心彼惡鄂褒傳照氣斯
揚獨掄同志蕭居首

遍寫英姿閭擅塲貌得弓刀增颯爽擁將旌旆儼

飄颻格登掃孽雷轟陣

臣阿
里袞

拔達搜逋電掣芒收

盡龍沙歸五服搞成

鳳藻彙千章市通普爾泉流廣

臣梁詩正

珍獻和聞玉佩鏘

汗馬簡浮俱大赤羽林擢萃盡中黃星弧遥誓雕

題國

臣秦蕙田

月嶠全平爰劍羌蒲海瞻雲呈碧琯瑤

圖益地啓珠囊渠胥置驛隼雙堠

臣永貴

御製

都尉宜禾千萬箱征戰昔原師武力詠歌今屬翰文

長重華聯句欣堪繼

豐澤來遊樂未央燕帖楣編銀鑿落蛺膏燈綴玉

琤璫插桃分竹詞先就

臣裘曰脩

撒荔傳柑席待張醲

浹前宵藍尾酒甘餘隔昔膠牙饴庶珉授簡叨榮

遇

臣于敏中

殿城連茵慰企望照眼琉璃迎旭耀舉頭

翡翠切雲翔雪隨繡繖花紫砌

臣介福

煙裊金爐篆

拂牆瓊島晴容浮菡萏趵臺霞彩疊鴛鴦九華舄

奕澹松棟

臣觀保

御製

三素輪囷繞杏梁經始匪同麟閣建飾陳祇就液池

旁膾川潛臞雲飛饌

斟玉腴斟金漉漿幢竦都盧爭撇揆隊撐角觥互

欽定四庫全書

御製詩三集

卷九

九

低昂雕珂盤馬驤騏驥

臣王際華

錦字銜書舞鳳凰

侏甿離諧律呂摩訶勅勒叶絲簧捧觥效祝烏羅

護

臣錢汝誠

鞞脰輸忱沒謹忙鞞鞞婆娑陳右部蒲萄

磊砢進西涼辛盤乍簇春初吉

臣錢維城

甲觀宏開日

用剛遞擘芸牋陪給扎毖擎文綺喜承筐唐花爛

漫枝交亞

臣蔣炳

御製

虞舞繽紛袖頡頏粘壁陣圖紀勞勩堆盤貢果浥芬

芳止戈永誌

皇乾佑

載筆難名

聖德滂笑說平戎誇頡利陋聞奉使艷陳湯八紘旋拱

星從斗

臣莊有恭

六幕提携網在綱畫室具儀裳濟濟

歌鐘徹響簾趨趨黃神鼓奏喧鏡吹

臣胡寶瑒

白阜屏

排燦縹緗雁磧從今休鐵騎龍庭幾度晉銀虜萬

年仁壽重申

命

臣周琬

一曲昇平載駕慶保大定功威震疊蠲租賜復

惠汪洋鑿坡入覲逢晨賀

臣吳達善

御製

象譯馳函幸歲穰稟朔大宛叅鷺序值班回部接駕

行西瀛北界一家合求治圖安敬不遑

尊歲得勝

靈燾於紫光閣詩以紀事

有序

亭鄣靖金牙威宣載飾燧烽消洱海德表結旌爰

開高閣以圖形並弄

靈旂為守器原夫一麾臨閩外彌文不侈

禡襪七宿炳

壇中壯志初傳鐃鼓方過祁連而壓陣千山風鶴騰聲
更驅疏屬以揮軍百部沙蟲掃跡昔也緬李程刁
斗遜是森羅今焉輝褒鄂弓刀逾其英特彼龍堆
邈矣詎惟銅柱齊標而虎紐纍然合與金符同譜
從此電霜生色匪徒充武庫之儲還將日月承華
庶永隸奉常之掌

麟閣圖形例紫光大師

靈燾並尊歲招搖伊古資

神佑功績從今紀太常信是元戎篤忠悃肯忘羣力效
疆場持盈知足懷

乾貺敢復佳兵恃盛彊

武成殿作

紫光閣後殿因額武成名千載丹青貌五年宵旰情被
天恩獨厚資衆力斯誠那更生餘望迴思幸以驚

弄歲西師俘獲軍器於紫光閣詩以誌事

有序

幕庭收絕域運翊風雲臺閣應中台圖兼將相軍
儲森列旂常已炳尚方陣獲便蕃仗械胥登武庫
甲冑青瑯得自前驅脫冑之時鎗委綠沉出諸後
隊伏發之會貫矢詎來肅慎應知貳負先僵佩刀
疑壓赫連早識溫禺久釁掃蚩尤之長彗還帶釐
纓轟尸逐之鋒車曾資鉛彈凡此勲銘百戰無須
漂杵矜奇方當蹟著九功用藉包戈紀實云爾

高閣巍巍表蓋忠弃歲俘獲類從同戢干橐矢肆時夏

奪鎧寧旗藉衆功信可傳神留百世寧稱屈指數三雄

器書名例太常紀

甲冑旗纛之類孰所獲者各書名其上以誌永久

一善吾惟

憶莫窮

回玉圭謠

崑崙西極玉所都穆滿靈器傳西胡楚曰珵珩魯璫璵

其偶然耳古論諸乃今通道慈嶺途歲為恒供寧十區

是圭實彼之寶符驛來什襲呈天衢阿渾

通回經字者

譯出

其文攄駢蕃吉語歌九如福祚昌熾享齡遐

叶

豫順兆

姓鞏皇圖宜子孫佩意不殊韞櫝爰識咸賓模保奭用
訓猶忸吾

承光殿得句

高閣綺筵慶落成
蓼蕭燕譽會公卿
瑟絲琯竹欣儀具
玉螭金黿取暇行
廣殿春明最古蹟
團城太液即仙瀛
撫茲粥粥懷殷監
敢曰今方際治平

夜雪

正月初二日

微雪落清晨和陽闥綺宴入暮復濃陰
英英先集霰夢

回已丙夜欣報飛雲片展轉少停眠聞鋪玉砌遍侵尋
二寸餘團攢勢方絢重衾審何礙隔窓似親見繼澤洵
農祥戒滿凜

天眷

題王炳雪崖高士

峭壁層嵐玉作皴俯臨千丈聳嶙峋漁人尚集寒潭網
高士方收野艇綸獨上崇崖聊縱目何妨薄冷足怡神
孤舟蓑笠由來慣生面羊裘此富春

降旨再加賑湖南被旱諸州縣詩以誌事

頻年寬大詔甘省首所被去年幸豐收况預免今歲恩
澤無可加初春宜施惠楚南昨偏灾加賑以次第牧吏
報民安屢念仍弗置已加寧再加永奉大光義

英華殿菩提樹歌

我聞法華調御丈夫成道處乃於伽耶城中菩提樹又
聞華嚴海會諸如來一佛一樹乃至恒沙數一亦非合
恒沙數非離是佛是樹皆菩提娑羅貝多闍扶誰則見

惟有菩提之樹鬱慈蔚郁常依佛日生光輝英華之殿
聳層甍勝國莫考國初曾以居

慈寧

思齋太任篤奉佛爰供法像延禧篤祐雲仍時來瞻
禮意肅穆裘嚴寶軸相好合梵經或云即是北斗之七
星貝帙一一名可徵菩提七樹森列庭是誠不可思議
標祥禎枝枝葉葉數無萬如斯無萬數繩繩繼繼永世
綿皇清

漢王千秋亭侯印

鄒南五成陌除設紀蕭王受命祥由肇封侯姓莫詳

後按

漢書光武帝命有司設壇場於鄒南千秋亭五成陌即皇帝位至亭侯姓名志傳並無其人

摩挲欣穆

穆抑埴謝章章翰席資稽古千秋永葆光

趙伯駒六馬圖歌

平川苜蓿豐且滋清泉映帶沙岡披戎人習馬知馬性
此處調馬實所宜牽者櫟者二皆駟白駒黑鬣縹柳枝
昂藏翹足驪其色一戎跨背鞍不施紫騮迴首嘶歛匹

有駟齟草意自怡驥不稱力稱其德況復一一皆英奇
作者寓意應有在夏官遺法誰深知即今大宛致汗血
骨格皆合圖中姿亦不渥洼調作瑞亦不交河資興師
迴立閭闔誅蕩蕩欲起王孫走筆為

新正重華宮恭侍

皇太后宴

太昊昌昌啓節東承

歡綺宴合青宮

七旬開表慶方始四海為家養備隆馥馥芳蕤噴溫卉
磴磴新社繪春工侑盤時果來西域宋史唐書可或同

題吳鎮松竹梅蘭四友圖

歲寒三益一增前生面將云開別傳誰識道人為墨戲

我心先已獲同然

向與三友增入幽蘭並寫圖成什茲
得吳鎮卷乃知已有此作因並誌之

降旨加賑高寶被災諸州縣詩以誌事

高寶去歲潦優恤籌民安鄰郡頗有收穀價未致艱方
春宜佈惠南望此所先賑期盡青黃毋寧再加寬意苟

欽定四庫全書

御製詩三集
卷九

存惜帑吾民何賴焉有孚勿問吉好生勵體乾

題董邦達山水

山自不言水漠如無端何事起吟予為他山水幽佳處
徃徃尋題趣有餘

峯似北高嶽且崑便知古寺號雲林冷泉那畔松陰下

一例寒濤空

去聲我心

書屋蕭蕭倚綠筠風聲月影靜無塵溪橋不許支筇過
看竹妨他問主人

題宋玉鏤戲嬰圖

珉石瓊葩景物芳春遲暢好鬪雞場佳禽按隊聽

平聲使

令見說神童喚賈昌

陳鴻祖東城老父傳賈昌於元和時年九十餘開元初被召方七歲

華冠繡襦指揮羣雞如神故天下號神雞童

精鏤曾成脩內司花間綵服共遨嬉戒標漢詔寧須貴
懷取魯論亦所思

淑清院

積素在喬松融落如細雨得逕詰曲叢攬景神仙所飛

泉不計寒帶水澌石嶼春物雖未昌春意實已鼓散步
淑清間日月緬上古

豐澤園得句

曲宴諸藩候已牌晨間問景液池涯寂欣素積喬松頂
已有青迴嫩草芽菜町竹籬堪學圃窓明几淨擬蕭齋
迎眸潤意開韶月豐澤今年兆實佳

紫光閣曲宴外藩紀事

祝聲三作翕如隨琴上春溫動縠絲中外一家宜愷樂

耕桑九服正熙怡
紫光佳話從今紀
豐澤恩筵合此移

每歲宴朝正外藩例於豐澤園設大幄
次茲以紫光閣落成遂移筵宴於此

戢武毋忘詰戎

戒皇清奕葉奉

天禧

承光殿

地臨北渚崇臺據名取西京勝國
貽玉竦亨衢接閨闈
瓊華翠色映果
恩金源景概指琪樹
明代波瀾在液池
鑒夏撫茲常致凜
覲文繁我更勤思

題漪瀾堂

山北讀書堂液池俯檻旁因風常得態無月定何妨早
識人情似惟慙筆陣方子輿觀有術切已勉成章

鏡清齋

階倚琳塘若住空含虛鏡影入窓中無於水監於民監
義喻載舟原可通

韻琴齋

曲廊側畔千竿竹聽去琤琮望轉深何必定於俯流水

方將謂是韻文琴不闕指上宮商調常愜心源微妙音
隔牖猗猗如有語勝他桐向爨餘尋

卷畫軒

畫水謂之水畫石謂之石惟其有定名未能免浮跡茲
軒號罨畫初無成見擇波態復嵐光風清與月白偶來
一俯仰觸目皆莫逆點筆詠真圖身在圖中適

王蒙閬苑仙山圖

瓊宇松巖鬱且雄巨然嫡派說王蒙何當絕頂遊遙目

紫帶真堪俯八鴻

文癖當時友叔明為知音寓自多情

見蒙自識語文襟
癖當是馬琬

期雖是寄方外國禁原遵字左行

是卷題句字左行蓋
從元蒙古文制也

天然樹根如意

沙堙石抱已多年倒植亭亭一朵蓮生意如無如孰意
指揮真具大乘禪

人曰

開子稱來復生寅節可沿賦詩雖晉俗觀象編犧年煎

餅厨盤供鏤華筵勝懸晴明占固美一德豈其然

東方朔占

書曰七日為人日
晴明主君臣和

程嘉燧芭蕉書屋圖

結屋苦黃草倚楹眄綠天有時堪聽雨乏爨亦籠煙
畫軸無妨卷書針雅稱懸旁求緊我責懷此樂飢賢

祈穀齋居即事

祈穀此致齋偏欣值穀日晴和叶嘉占遷坐孚顓謚

殿名

大齋乃
居之

駕瓦積雪鋪雞樹韶光柳寶勝扶綺疏不問知

元吉新正簡幾務省躬益精密聖狂一念間應違千里
疾重熙固此時保泰如虞失

吳貺信有徵心存祇無逸

題韓幹猿馬圖

馬放霜蹄馳峻坂猿伸月臂掛喬枝既云意寓叅同契
凌厲超騰又底為

偶讀

偶讀蒙莊第二篇知通適得固精義其不達者勞神明

因取狙公以為譬此語其然豈其然吾謂漆園未深思
格物可以驗諸人固有同歸而一致常平初之耿壽昌
出陳易新永不匱秋借春償即朝三春借秋償即朝四
衆狙喜怒謂為愚何不人情一揣試

古玉小屏歌

土華隱韞幽光耿貌似道人徹骨冷却火三日燒猶猛
是玉蓋已
經火者一片不熱餘貞靜度之以掌方而慙軒轅鏡

象如來影鄙哉漢璽出古井緋几芸窓伴毛穎佩文比

德思惟永

題張先十詠卷

東都纔少一西洛便虛三橋梓高年並

吳興太守馬尋會六老於南園

人各有詠而胡瑗為之序時衛尉丞張維年九十一後其子先取維所自愛十詠詩繪傳是卷時年亦八十二

矣

丹青子舍叅故知成獨步詎止助佳談丁甲何煩守

六星瑞曜舍

夜雪

正月初九日

過午佈雲同入宵雪舞空喜真出望外感亦切由衷無

月鋪階白有花卷燭紅明當詣

壇所先沐

帝恩隆

詣齋宮作

祥光瑞葉尚駢羅羣玉光中鳳輦過祈穀詣

壇今歲幸優占三白兆敷和

青龍左轉入甌城

寶殿祈年聳綵甍瞻

位視籩惟式禮知

恩勵已益屏營

祈穀禮成述事

辛歲祠

辛駢社崇大裘將事惕彌躬

照臨有赫哀時對呼吸惟誠信可

通政謹星辰拱北極農祈稼穡逮西濛松壝積玉欣占

麥敢曰

綏豐實額豐

張渥雪夜訪戴圖

雪夜覺來乘興行
剡溪沿溯一舟輕
傳神恰是斯時好
較勝門前著語情

延暉閣春望

禁林崇閣枕紅牆
暇日登臨喜載陽
北戶景山秀堪揖
南墀古柏儼成行
宮庭基業期恒固
帝里樞機協大當
累洽百年誠富庶
持盈惟是敬為防

絳雪軒

名軒因對花取義綠體物酣春雖尚遙符甲機已鬱即
看六霽積何異巖山蔚金麥玉壺供銀燕綠屏拂休徵
協雨暘宴息宥密勿

題摘藻堂

浮碧亭陰瀟灑居春風綈几正怡如映窓黛鬱千年樹
插架芸芳四庫書鑒在勝朝基命密遊惟義府勅幾餘
展編寧貴資摘藻二典三謨永企予

題金廷標嗜酸圖

鏗嚼青梅下嚙難
流涎唇哆復眉攢
區區那管旁人笑
白芋儒生本嗜酸

續事傳神阿堵難
評量滋味綠陰攢
三翁不著伊誰氏

都帶梅家一點酸

蕪東坡詩往往亦帶
梅翁酸注謂梅聖俞

底較蘗梅不易難
所耽轉覺百憂攢
畫師善寫曹公術
刺齒生津解渴酸

新正恭奉

皇太后幸圓明園

西山積雪出城迎節物欣堪

豫懿情

七袞初開綿祚永上元多樂奉時行
盆梅白玉條攄遍
陌柳黃金色染輕宜博

慈娛駢慶典微嫌羣致頌豐亨

楊无咎水仙

標格檀心冰骨弄影白石碧瀾不名一家則爾依然伯

仲之間

獬食盆

實宋脩內司窰器也俗或謂之太真獬食盆戲題
官窰莫辨宋還唐火氣都無有葆光便是訛傳獬食器
斲枰却識泰恩償

龍腦香薰蜀錦裾華清無事飼康居亂碁解釋三郎急
誰識黃虬正不如

新正御園即景

日麗風條景物和
紐芽生意發
卷阿御園喜氣迎人處
萬樹瓊英綴尚多

松軒筠牖有那居
勤政親賢勵歲初

理事處
考御書額也

皇略

得予心閒適者華
鐙下免治軍書

愛延嫩日一窓明
又是隔年搞藻情
高閣蓮花漏聲報
遷無遷裏鎮丁丁

九州去歲多逢熟
三白今春又兆佳
外靖內安誠慶慰
戒盈刻刻警於懷

黃公望晴巒疊翠

谷曲復山崇，松蒼楓亦紅。
考槃人得所，大嶺法猶同。
書屋看疑隱，寺樓住若空。
支筇獨往者，應去訪韓終。

新春舍經堂

人世有仙蓬，御園東復東。
望春真合此，會景每無窮。
坡雪迎窓白，盆梅映座紅。
畫詩常在壁，

向繪此梅並紀
以詩勒壁間

辨異和同

繪雨精舍作

精舍尋常以雨稱今朝生面又堪憑增池潤埒皆同調
綴樹糊篁此絕勝青帝化機原後素天公繪事實多能
畫禪如展王摩詰

畫禪室所貯名畫
大觀有王維雪景

首肯吾言信有徵

澤蘭堂六韻

澤畔有幽居蘭芳襲素裾滋寧湏九畹趣合在三餘楚
客佩懷彼風人觴警予聞香還耐久竟體且紆徐味道
遲朱鳥舍經避白魚摘毫常得句惟是慙

去聲虛車

題宋人田畯醉歸圖二絕

田畯歸來自甫田醉騎牛背著僮牽和之七月休重展

馬和之有幽風圖藏石渠寶笈

三代淳風見宛然

古否寧須嘗後知相親古道蓋如斯鮮其意但師其迹
田畯嗟資口食為

掃雪

一雪萬物怡園林足佳致皴皴屏畫開鋪氷鏡光膩晴
將就消融惜此精英氣培樹待徐化春雨夫何異掃收
集興僿督課命園吏山擬銀重裘林似玉倒綴匪緣延

賓除亦豈烹茶試根荻積潤澤發生益純粹集事藉於
衆行賞論以次惠而實不費費亦非傷惠

御製詩三集卷九